

Frangipan era in uno suo castello apresso Xagabria et che'l Serenissimo re di Hongaria lo mandò a chiamar, se iudica per causa dela guerra, nè da quelle parte di Xagabria vi sono altre zente di guerra. *Item*, scrive come avanti il serar di le presente, per lettere di Monfalcon se ha esser stà fate publice proclame in Gorizia, Gradischa, et Duino, che sotto pena di la vita alcun non dia victuarie di sorte alcuna ali subditi di la Illustrissima Signoria Nostra.

264* Vene l' orator di Anglia con il cavalier Caxalio et ave audientia secreta. Mandati fuora chi non entra nel Conseio di X.

Vene l' orator di Ferara a dolersi li cavalari del suo signor Duca che venivano per Po non erano lassati passar per li Signori di la Sanità a Malamocho, et fo mandato per ditti Signori et ordinato lasase venir.

Vene messier Baldo Antonio Faletio orator del ducha di Urbin, con una lettara li scrive esso Capitano di 23

Fo leto una parte di far uno Orator contro lo illustrissimo signor di Lutrech con ducati 150 al mexe per spexe, con cavali 10 et 4 stafieri con pena, et altre clausule *ut in ea*.

Fo leto una parte di dar licentia a sier Zuan Vituri proveditor zeneral in campo vengi a repatriar atento la egritudine sua, et che sier Vetur Soranzo qual è in campo resti exeutor et Proveditor in campo con salario di ducati 50 al mexe per spexe, principiando dal zorno el si parti di qui, et tegni 4 cavalli, et sia electo uno altro per scrutinio in Pregadi con ditti ducati 50 al mexe per spexe *ut in parte*.

Dapoi disnar fo Pregadi et Conseio di X con tutte do Zonte, per aprir certa materia, credo intervenendo il Capitano zeneral. Et cussi reduti tutti in sala di Gran Conseio, leto do lettere del proveditor Contarini dal campo apresso Marignan, qual ho scritto di sora, fo chiamà Conseio di X con le Zonte, Procuratori et Savii in Quarantia Civil, dove stetenno do hore a disputar. *Tandem* fu preso non aprir alcuna cosa.

Nota. Intesi il Serenissimo vol si apri, et li Consieri et parte di Savii et sier Domenego Trivixan cavalier, procurator, savio del Conseio, et alcuni altri non vol per adesso; et cussi non fo aperta. Quel sia non lo so.

Fu posto per li Savii del Conseio, excepto sier Lunardo Emo non si pol impazar, et Savii a terraferma, atento fusse preso in questo Conseio di l'in-

trade di quelli ecclesiastici sono in Roma siano scosse per le camare dove hanno li beneficii; et atento il reverendo domino Francesco da cha da Pexaro arziepiscopo di Zara, è in castello con il Papa, et à hauto taia, et il reverendo domino Cristofolo Marzello arziepiscopo di Corfù, fato preson et à hauto taia; aziò di le loro intrade possino pagar la sua taia, però sia preso che per quanto a loro doi arziepiscopi siano liberate tutte le loro intrate, et date a chi per loro sono *ut in parte*. Fu presa. Ave

Fu posto per li Savii, dovendo venir in Italia lo illustrissimo monsignor di Lutrech mandato dal re Christianissimo, fa per la Signoria Nostra di mostrarli ogni honorificentia, però:

L'anderà parte, che'l sia electo per scrutinio di questo Conseio con pena di ducati uno Orator contra il prefatto illustrissimo Lutrech, con cavali 10, et 4 stafieri et uno secretario e col suo fameio, et habbi per spexe ducati 150 al mese, et sia electo di ogni locho, officio, et rezimento, *etiam* di officio continuo. Et parti quando et con la commission parerà a questo Conseio, *ut in parte*. Fu presa. Ave

Fu posto, per li ditti, atento la egritudine di sier Zuan Vituri proveditor zeneral in campo, li sia dà licentia di venir a repatriar et

Et sier Daniel Moro el consier messe a l'incontro una parte, che atento sier Alvixe Pixani procurator, proveditor zeneral richiede sia fato uno altro Proveditor in locho di esso Vituri, perchè solo non pol portar la fatica, però sia electo per scrutinio con pena uno Proveditor zeneral in campo in locho del ditto sier Zuan Vituri, con cavali 10, et 4 stafieri con ducati 140 al mexe per spexe, et possi esser electo di ogni loco et officio, et rezimento et officio continuo, *ut in parte*.

Et sier Carlo Contarini Savio a terraferma andò in renga, et contradise a questa opinion del Consier, dicendo

Fu posto, per i Savii ai ordeni, hessendo mexi che la galla di la qual era soracomito sier Francesco Gritti qu. sier Homobon è fuora, et hessendo morto ditto Soracomito, sia preso che la ditta galla zonta a Corfù vengi a disarmar *ut in parte*. 265*

Fu posto, per i Savii del Conseio et terraferma,